

龍州廬先生集

二編  
自一

番外書冊

和書門類	二六二六一號	六九函	一四架	二一冊
------	--------	-----	-----	-----

內閣文庫	和書類	二六二六一號	二一冊	六九函	一四架
------	-----	--------	-----	-----	-----

內閣文庫	
番號	和 26261
冊數	21 ( 4 )
函號	206 37



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



艸廬先生集二編詩部目錄

卷之一

風雅 二首

琴操 三首

擬古樂府 五十三首

四言古詩 十首

五言古詩 八首

卷之二

七言古詩

淺草文庫

五言律詩 五十五首

五言排律

卷之三 古詩 八首

七言律詩 七十三首

卷之四 樂府 五十三首

七言律詩 五十九首

卷之五 二首

五言絕句 五十五首

七言絕句 百七十八首

目錄終

艸廬集二編卷之一

淡海文學 伏水 龍公美子明 著

平安 平信美文韶 輯

彦根 荒忠俊孟彦 校

風雅

斯花

博士王仁奉贊仁德天皇而作也

斯花燁燁于浪華津樂只君子令德如春

斯花燁燁于浪華曲有匪君子其人如玉

風雅

艸廬集二編卷之一

斯花未開谷風言至彼君子兮將履其位

斯花三章章四句

山泉

陸奧采女某氏慰諭葛城王而作也

淺彼山泉載照爾景勿輟人事人心是曠

淺彼山泉載照爾形勿誠人言人心弗寧

淺彼山泉載照爾容勿恃人誠人志之窮

山泉三章章四句

琴操

思親操

思親操古昔舜遊歷山見鳥飛思親而作公美

幼而喪父已長而違母於膝下而在京者三

十有餘年矣且途者應彥藩之聘而起則羈

絆以不得歸陟岵之念日甚一日乃不自揣

私擬焉以述志云

彼其山嶽兮巍巍彼其飛鳥兮何之溪谷水泠灌木

垂鳥鳴嚶嚶兮其哀哀我親思以悲日居月諸兮

交其馳父徂母老兮於吾其歸

三

中山集二編卷之二

幽蘭操

幽蘭操孔子自衛反魯隱谷之中見薺蘭獨  
 茂嘆而作之公美曰夫孔子以天縱之聖而  
 當時其道弗得行諸天下嗚呼雖曰時命之  
 使然乎豈得無憾乎實使人長太息於二千  
 年之後數萬里之外哉向者余寓平安日得  
 彈琴之法於人而時時鼓之以自樂焉屬日  
 講餘窺園而見蘭乃亦有感于斯操故敢漫  
 擬其辭以寫絲桐云

繫爾蘭兮洵芳且幽生彼中谷百卉為儔時匪厥時  
 卒靡人求谷風習習日月如流道之弗行永俾我憂

擬古樂府

鳥生八九子

鳥生八九子端坐南山高樹間喈我高樹為巢生八  
 九子阿母哺鳥子生長其間飛揚東西無有金丸懼  
 長成各自極天飛去喈我猛虎怒號生悲風命窮尚  
 復壯士得刺之喈我黃雀飛下啄田間羅者尚復得  
 施網羅喈我民生各各有命數壽夭何須語長短

白頭吟

明如照心鏡直如盤中水水自克沉舟舟克從水遷  
 恩情如膠漆臥起常樂只我我千丈陂欵為螻蟻毀  
 手援金環新意薄合歡被故人一何非新人一何是  
 前盟弃如土白頭異終始目送班婕妤妬殺飛燕氏  
 秋扇藏篋筓急弦豈易弛盛衰如糾纏恩情自古爾

照君吟

男子苦成邊遠征天一隅匈奴來請婚漢廷許何愚  
 本是良家子一出嫁單于馬上彈琵琶龍鍾臨長衢

低首傷中情垂泣沾衣襦原上多白草邊風紅顏瘦  
 相邀開穹廬婢待比類殊閑氏何所榮漣酪非其需  
 歌曲唱缺舌綺紈易墮瑜積思向誰遣哀鬱仰天呼  
 風雲不可御鴻鴈豈同途悔我負妍姿一朝誤畫圖

白紵歌

華燈明月競清光纖腰迴身媚吳王白紵如雲衣或  
 裳流紈曳縠自飄揚繁絃促管徵與商新聲應節夜  
 未央長袖徐步進羽觴

飲馬長城窟行

萋萋池邊草，絲絲思萬里。萬里龍塞外，遠望胡地壘。  
出為他鄉客，夢想見無因。燕山知天風，瀚海知天寒。  
長城日飲馬，誰肯同憂患。奮戰豈不易，死節誠獨難。  
浮雲東南來，悲風西北落。尺素書裁成，天末計附著。  
浮雲不可寄，悲風不可託。室家阻且遠，十年何所樂。

怨詩行

西風音響澄，高樓明月照。上有愁思婦，援琴曲不調。  
一解 援琴者為誰，云是征夫妻，何為問，慙慙憐妾守。  
空閨二解 念君君不識，思君君不旋。晝製鴛鴦被，夜

操想夫憐，三解 北風吹妾家，卧内心不穩。良會知何  
時，蕭蕭泣下，四解 良會知何時，傷心生別離。萬里  
玉關外，征人無還期，五解 還期何莫有，悠悠不堪待。  
早潮投妾身，暮潮寄青海，六解 此曲不易竟，寫懷淚  
盈衿。垂君滴露，惠信妾皎日心，七解

苦寒行

太行路艱哉，卒爾自成行。鬱紆巡羊腸，巉岩摧輻輳。  
虎豹叫寒風，鴻雁悲翻覆。去國親愛疎，懷人心神驚。  
北方燭龍地，萬里無人鄉。處所無烟火，齧雪傷遠征。

飢禽何枝栖，失路心不平。欲汲冰已結，臨河水何泓。  
撫膺悲前途，引領顧帝京。行行路已極，何以得紀名。  
中夜長大息，無為寄此生。

塘上行

蒲生池塘上，其葉正青青。昔日入宮時，托根同浮萍。  
浮萍沿波移，蒲根受風冷。君去行他邦，欲留不能得。  
欲留不能停，自有凌雲翎。淒淒西北風，夜夜不堪聽。  
莫以新鮮故，棄擲素所獲。莫以桃李灼，棄擲松與栢。  
莫以錦綺文，棄擲絺與綌。出亦復苦辛，入亦復苦辛。

塘下北流水，塘上念君人。中夜傷心脾，不寐苦妾身。

猛虎行

饑不啗，嗟來食，昏不宿，勝母鄉。勝母豈無家，而惡名  
不匡。明堂登壇日，肅命駕驩。驩悲風鳴林，端瀏瀏苦  
中腸。早行曉蒙雪，棲息夜聞霜。勲業悲無成，杖策自  
相傷。高歌金石響，哀音渺朔方。烈士神且武，壯心思  
無疆。

從軍行

苦哉遠征人，一朝出長安。負戈從驃騎，驅馬度玉關。



少康集三編卷之一  
踐徑行常迷九迴陟隴山首首大宛境葡萄涼州間  
飛霜塞草暍寒冰結不溪邊戍生白髮朔風摧紅顏  
胡馬飲交河霓旌千隊殷指軀在報主虜王曷所艱  
客子心多懷鄉淚徒班班苦哉遠征人老羸何年還

白馬篇

白馬雪毛錦障泥一躍碎沙碧玉蹄青青長楸春已  
遍翩翩日驅五陵西觀者如堵行者留自矜俠骨在  
吾儔結客少年費千金紅樓下瞰茂王侯拮矢良弓  
烈風夕一發飲羽草中石腰下吹毛報仇日出鞘閃

閃龜文赫至今仇家血猶羶試向漢高論三尺感慨  
憶昔漸離筑勇剽曾慕相如璧携歸意氣奉趙王臨  
危授命如朝霜腸胃洗滌一杯酒醉後肝膽精且疆  
人生夢寐誠可樂千金買笑亦更酌嬌花弱柳三月  
色胸膈通暢無底橐此日宴安不知愁何厭容華隨  
年落清風明月以游娛壯心何因顧妻孥窮仇直入  
鋒刃端單身拍處見榮枯此心不誤赴國難萬戶封  
侯立可須烈士常惡名不稱良史千載傳丈夫

長歌行

皎皎澗中菊，振芳生水側。昔人日采采，久餐美顏色。  
非泉水不靈，非沃叢不殖。勞苦吾何需，豐饗費筋力。  
少壯苗不秀，老大何所得。此二不...

短歌行

逝者如斯，逝水湯湯。生涯幾日，忽如朝霜。春往秋來，  
焦心斷腸。遨遊日短，憂思夜長。高堂置酒，明燈燭牀。  
鹿鳴式燕，嘉魚式觴。明月侵坐，鴻鴈南翔。短歌可樂，  
旨酒莫荒。琴瑟佐酒，濡首未央。相看慷慨，泣下霑裳。

升天行

朱門非我居，巖穴固其宜。臨流已洗耳，當路能伸眉。  
長揖曳裾客，人間從此辭。隱山憐巢父，練石慕安期。  
翹迹風塵外，稅駕玉室陲。一舉入青雲，步虛隨風移。

上留田行

啼兒年幾許，頗肖父兄面。隣人隔壁聞，行人回車見。

提擲歌四首

娶妻先須論媒妁，養病先須論醫藥。男兒道窮向誰  
託，老女不嫁憂如灼。

隣家兒女生幾許，錦帶合歡猶未締。園有松柏香蘭

蕙願得共牢成夫妻

土城山下一片石維昔浣紗水潔白可憐女子思何  
僻學顰不及聊相覘

小時選姆大選婿目画眉極妍麗十五不笄二十  
處何不早嫁奉箕帚

折楊柳二首

飲馬虜家兒連翩渡孟津漢兒歌楊柳貪心生愛憐  
健兒與快馬風雪共矜驕快馬能蹴冰健兒能射鵝

前溪歌一首

黃葛傍水生水灌結同根裙帶可固結莫結夜夜怨  
黃葛自有蔓黃葛自有花不惜花隨水愛蔓黏土芽  
亦不使人拏

子夜四時歌八首

春衣欲如花春園欲如錦春色蕩妾心搖搖夜不寢  
纖手拾春蠶曳繭示阿郎裁成合歡被寤寐叙温涼  
炎日汲天漿金椀一勺水分飲君自前何似竊藥子  
青衣扶醉上粧臺四面風不苦三伏熱卧起當紗牕  
紗牕明月光秋風透羅綺思時停按看織出中心美

画眉憐斜月，撫絃悲蟋蟀。儂思學鴛鴦，歡心期琴瑟。  
温酒待郎至，雪花復著枝。三更履聲急，突起自褰帷。  
蓬頭之嘉容，誤為君家婦。對雪發艷歌，含笑羞旨酒。

懊儂歌

江水三千里，布帆百餘歌。阿那受風去，使儂不相隨。

莫愁樂

莫愁歌最妙，容顏玉不如。仰看光棄目，俯聽淚沾祛。

採蓮曲

紅裙回棹採蓮，舟斜傍若耶溪畔。流一枝花並蒂撮持。

去慙慙猶自求，匹儔岸頭誰家美少年。花間徘徊馬  
不前，無端風起，留不住，片片吹轉入清漣。

烏棲曲二首

歲荏苒，管鑰鑄黃金，風釵玉簪已披襟。含情不前燈前  
坐，明眸望君，惱妾心。  
隱燈垂帷，語何迂，誰識中宵多歡娛。銀河在天，天如  
水，唯憎曙雞忽彌呼。

烏夜啼

城頭玉樹烏夜啼，枝枝啞啞高復低。琴臺彈琴蜀郡

女白頭聲怨唯思汝天下誰無一心人對月思服淚  
為緒

楊白花

楊白花已見春風吹轉入深宮飛宮燕爭出啄江南  
楊花更同時三月逢送客風花飛狼籍轉入江水巡  
為渦吹向江北更送花

結客少年場行

長安佳麗地年少爭奢侈探丸出城門走狗滿閭里  
樓臺多淑女灼灼如桃李旨酒葡萄熟歡樂新聲妓

富貴似雲浮戚戚我所恥已高遊俠心不敢憐小技  
朱家脫布厄郭解辜姊子陌頭不傾蓋白首遂知己  
片言出肺肝一諾莫顧死死不朽者名願詎稱國士

胡笳曲

尸位心有恥素餐何其拙杞顏一獻策臨危以死節  
出塞邊草枯即戎寒膠折胡笳半夜霜漢旗中天雪  
游子悲失群遙思河梁別所負忠良心白日與烈列

黃鵠曲二首

黃鵠參天飛半道遇風下少小凌雲氣鼓翼甜苟且

黃鵠參天飛，顧眄雙眼眇。悠悠直上去，青雲入不見。

關山月

月出青海，上風度玉關。外暮雲覆邊城，繁霜澣旗旛。  
漢將一虎奮，胡兒亦何怙。紅顏沙漠老，白骨原上塹。  
長征人少歸，萬里徒嘆慨。寒衣猶不至，天涯心無賴。

紫騮馬四首

踠足紫騮馬，騎者知阿誰。愛一無凡相，不美人善騎。  
西來紫騮馬，東來一驪駒。毛鬣不相敵，驪駒極不趨。  
客上紫騮馬，忽下折楊柳。楊柳色青青，玉鞭堪換酒。

醉中爭杯杓，杯杓爭不輟。拔劍示傍人，粲粲仇家血。

雙燕篇

春社雙燕至，似就家人語。哀鳴復携燕子來，繞梁入  
幕懷春處。楊花隨風飛，相看燕子嬌。喃喃行蹴花，交  
交鼓羽標。嗟我數子，逝不歸。愧我哀泣，不如鳥。

自君之出矣六首

自君之出矣，紅粉懶靚妝。思君如胡蝶，春來心欲狂。  
自君之出矣，香淚滿羅衣。思君如歸雁，春魂向北飛。  
自君之出矣，空閨塵作堆。思君如愁蛩，夜月下哀。

自君之出矣三換春復秋思君如江水盈盈無日休  
自君之出矣妝臺懶画眉思君如楊柳風前亂成絲  
自君之出矣雙袖淚紛紛思君如籠鳥晨昏望白雲

四言古詩

蒼龍劍歌

劍者後崇光上皇在伏水月宮館之日所賜曩祖左衛門佐善則也

蒼龍蒼龍三尺何雄斯潛斯藏于彼丞中昆吾精鐵  
莫邪極工光飛紫電氣貫白虹淒可吹毛凜可生風  
維昔吾祖仕伏水宮能文能武兩有勲功上皇下詔  
以旌厥忠星霜三百時有汗隆今也雖衰傳家弗空

好是常佩護君子躬冀斯神物永貽此窮

五言古詩

擬青青河畔草

青青江上草燿燿生芳洲窈窕彼淑女婉孌在粧樓  
蕭蕭鼓寶瑟悽悽發哀調悲風一何惡空牀夜更幽  
蕩子未歸來掩淚不堪愁

擬明月何皎皎

獨坐高堂裡明月映羅牀天邊光如水庭上影如霜  
寒蟬鳴古木淒風入幽房寤寐一思服攬衣立彷徨

客行豈所樂，不如歸故鄉。期懷誰共語，淚下霑我裳。

擬蘭若生朝陽

玉蘭生朝陽，佳氣侵霜香。清姿守節操，玄冬終不彫。  
彼美人何處，遙在天一方。長想度幾載，垂泪坐空牀。  
願作明月影，夜夜照君裳。

擬庭中有奇樹

玉樹在園中，灼灼其花開。暮景沈虞淵，歲月逝不回。  
感時長相思，美人未歸來。攀條將贈之，路遠山崔嵬。

擬明月皎夜光

華月照幽房，滿日夜色晴。殘星何歷歷，銀河西北傾。  
寒蟬噫枯木，候蟲吟戶庭。奄忽節序變，荏苒日月征。  
疇昔同志友，一別萬里程。阻歲音信絕，何故遺舊情。

擬東城一何高

東城何其峻，復道幾百尺。暮秋霜露多，樹上枯葉白。  
歲序如水流，居諸且堪惜。西園蟋蟀悲，北林晨風怒。  
中心何難解，蕩滌從所適。京洛有佳人，紅顏映紫陌。  
長歌和瑤琴，曲調清如迫。一唱青雲動，二唱白雪積。  
馳情聊徘徊，整衣自相索。可羨啣泥燕，雙飛巢君宅。



擬古

鬱鬱園中樹結實何離離日月忽已換歡樂無常期  
親朋辭我去悠悠將安之浮雲蔽往路飄忽隨風馳  
顧念離別永佇立涕淚垂長歌何慷慨豈足展其悲

石山寺

遠尋補陀落金界此盤桓境僻石凸凹樹邃鳥往還  
白搖匹練水綠疊螺髻山殘霞壑色變餘照楓葉殷  
長揖奔競客尚志慕林壑方外有所適蓮社宜交歡  
遊樂當及時莫遣蟋蟀歎

卷之一終

州廬集二編卷之二

淡海文學

伏水

龍公美子明

著

平安

平信美文韶

輯

彦根

荒忠俊孟彦

校

五言律詩

答人問平安春色

不遊京國地焉識世豪華鴨水千年綠鳳城二月花  
絃歌人宴樂裘馬客紛奢藹藹祥雲裡春深十萬家  
偶成

五言律

州廬集二編卷之二

非無四方志而有白頭親市上茅三尺生涯葛一巾  
琴書唯適興菽水豈愁貧聊奉高堂喜還思彩服人

題馴鷗堂

堂在琴湖畔

毘耶方丈室寂寞傍江濱孤島青螺色滿汀芳艸春  
鶴隨飛錫下鷗與渡杯馴我亦清閑意相期共卜隣

幽居集句

煙霞多放曠

孟貫

爛醉是生涯

杜甫

樹靜禽眠草景

池園春蝶護花

許渾

浣衣

逢野水

皇甫冉

看竹到貧

家

王維

門逕稀人迹

岑參

穿林自種茶

張籍

長安月

長安城上月賴值此宵晴氣滿千門爽光臨萬戶明  
金莖秋滴露玉笛暗飛聲詩是吾家事篇篇醉裡成

大藏卿源士良見過

豈謂野人居能容長者車共乘杯酒興胡愧髻毛疎  
天上寒星聚窗前落木餘床頭瓶未盡莫問夜何如  
訪足子權於河內道中有賦

遠過山陰路扁舟訪戴家饑鳥迷郊野寒鴈落洲沙  
篙士歌翻雪牧童笛入花行行乘興去不覺夕陽斜

春盡日遊仁和寺

寺原寬平上皇御室  
至今世為親王宮

城西三五里携客送韶華  
花雨空王殿竹深帝子家  
風塵悲歲月痼疾入烟霞  
杯酒須俱醉任教落日斜

春日作

十年猶落魄書劍竟何功  
庭種千竿竹門餘五尺童  
黃金充酒債白眼哭途窮  
伏水春如海歸歟老釣翁

歲勉

風雪無人問蕭條諸葛廬  
囊錢皆換酒甌金更生魚  
流水年華駛浮雲世態虛  
獨唸梁甫罷徒攬二毛踈

早春作

漸遇年華改更教意氣翻  
踈梅芳已動喬木鳥方遷  
病起烟霞外興來尊酒前  
風流吾輩事擁鼻唱新篇

春日偶興

稍似淵明趣結廬傍世塵  
晚風魚市近春樹酒家隣  
隱木甘鳥皮狂猶憐葛巾  
縱無北窓夢自是羲皇人

送僧歸湖中

橋頭楊柳岸相送手將分  
杯渡平湖水錫歸江國雲  
晚鶯俱可恨春鴈豈堪聞  
離合原常理何為別淚紛

宿免道平等院

投宿招提境，林深興自幽。僧吟臺上，月客繫寺前舟。  
隔水鐘聲近，臨江塔影浮。猶貪塵外趣，重約桂華秋。

送藤子常歸武都

征馬長嘶夕，蕭蕭客此還。交情猶把臂，離恨共摧顏。  
水冷琵琶海，雪明菡萏山。天涯千里，月行照大刀環。

從軍行

胡騎寇邊州，漢兵登戍樓。笳鳴關月冷，戰苦塞雲愁。  
青塚千年，艸黃沙萬里。秋右賢殊未縛，仗劍望旄頭。

草廬小集得門字

春來日高臥，迎客掃柴門。竹覆空林，雪梅開野樹。村  
遺世，憑鳥几。看雲倒綠樽，盤中無異味。幽事獨堪論。

無題

熟知城裏趣，不覺髮生霜。家近鳥衣巷，鳥九市連彩錦

坊。錦路小百年詩是業，一日醉為鄉。更待遷喬鳥，門前

種翠楊。

孔世傑沒後重遊鳴鶴園而園中所見艸木依  
然而其人則非也。嗚乎！人世變遷，桑田不啻乃

有感作

當年曾一過，今日又重遊。件事殘夜夢，物華逝水流。  
雲迷駒岳，旭葉落鶴園。秋思舊殊堪賦，鄰人笛更愁。

登無動寺

寺在日故山南峯

松風三五里，萬壑鬱嵯峨。路接天梯峻，客從樹杪過。  
成群鹿飲澗，抱子猿攀蘿。行識山房近，午鐘雲外多。

九日同正覺大僧正遊楞伽僧都房

不問登高興，追隨蕭寺秋。座容龍樹貴，人作虎谿遊。  
露重黃花發，雲飛白日幽。風塵心裏盡，何用醉忘憂。

訪僧惠南

惠南居京師六條有聞香癖且善國朝詩

大隱寧違世，一菴城市傍。豈知懸杖錫，如此倦津梁。  
讚佛時鳴磬，逃禪常焚香。幽閑得真趣，白日與心長。

和彦城藤子樹中秋作

三五江城夜，須臾燁霧收。人陪樓上宴，月湧鏡中流。  
鴈影懸銀漢，蛩聲悲素秋。吾曹千里外，遙羨庾公遊。

墨菊應江東建鐸夫之需

不識何人，手寫斯秋後。芳清霜三選，草白露一叢。光  
摘作靈均食，把供靖節觴。展來相對處，墨色與花香。

所思

男兒從結髮，壯志在青雲。十歲貂裘色，七星雄劍文。  
辨縱異季子，氣豈減終軍。當是懷中璧，何時獻聖君。

伏水道中

少小辭鄉里，于今二十秋。年華悲艸樹，往事見江流。  
三寸存吾舌，一身負客愁。歸來蘇季子，愧破黑貂裘。

上園城寺

寺天智天皇宮蹟

相傳布金地，長者有遺蹤。門對琵琶海，寺連桐栢峯。  
千羊鳳闕礎，五夜龍宮鐘。不覺登臨久，夕陽林外春。

除夕書懷

除夜動懷抱，更添華髮長。燕金非可待，楚璞易遭妨。  
世態兩端鼠，人情前日羊。今年寂寥甚，搔首坐空堂。

同諸子過訪山貞卿東岡居

同遊三兩子，携手上東岡。十里聞鶯語，五雲望帝鄉。  
山花迎客笑，林日避塵長。投轄主人意，偏兼村酒芳。

月夜與客遊唐崎

湖上相携處，倚樓蘆荻邊。金波千里動，明月一痕圓。  
氣欲吞雲夢，飲疑坐酒泉。夜深人寂寞，松吹轉淒然。

宿免道惠心院呈良欣上人  
為有勝因在，叩來宿梵林。  
山雲埋客夢，江水灑塵心。  
夜永蓮華漏，秋寒蟋蟀吟。  
浮生本如幻，此會恐難尋。

遊芝仲祥山莊同功子會野子賤管瓊美賦得

十二侵

孤亭碧山曲，長夏晝陰陰。  
空翠當簷滴，垂蘿鎖戶深。  
水清堪飲犢，林暮好棲禽。  
避世吾曹事，自今欲屢尋。

遊長松精舍呈又玄禪師

古寺長松下，叩來對老禪。  
社中賢十八，臺上佛三千。

香積能供飯，淨邦好結緣。  
從今猶許酒，屢駭繩床眠。

湖北道中值雪二首

大江千里雪如鷺，自霏霏風惡濤聲怒。  
天昏湖色微，饑鳥求食喚寒鴈。  
失群飛欲問前途，遠奈何行客稀。  
琵琶湖北暮雨雪，忽漫漫可似窮途哭。  
堪歌行路難，歸禽愁樹沒。  
征客畏衣寒，不是扁舟興。  
應同訪戴者。

同功子會荒子元泛湖

太湖春浩蕩，乘霽木蘭船。  
波撼沙鷗夢，日生江州烟。  
興來頻撒網，醉去好羹鮮。  
時唱桃花曲，尊前共扣舷。

夏日飲流霞亭同邨仲裕管洵卿賦

亭上流霞色酌來對主人風聲無暑到露氣覺秋隣  
洗盞臨江水濯纓避世塵醉餘高臥意不羨葛天民

湖東白雲山寺作

一名應山寺在  
彦根南平流邑

靈鷲分峰處大蛇化石羊

相傳在昔天竺靈鷲山一  
峯飛來于此時有大蛇化

為石其龍宮臨水國梵貝響湖天鶴睡松濤斷猿啼

石現存蘿月懸塵區何日脫長此學金仙

題圓通菴贈定首座

大士圓通室好稱小寶林一庭黃葉落三逕綠苔滋

隔竹聞人語對花觀佛心都無世塵到白日自陰陰

移居彦城後偶賦

近甘為傲吏移住彦城陰幽徑通青郊衡門隣寶林  
匣藏三尺劍壁挂七絃琴午睡醒來後自歌梁父吟

同子欽伯起湖山見雪得鐘字

滿目平湖上天涯被雪封千林迷雀影一徑没人蹤  
光暗江村火聲寒水寺鐘山山何所似削出白芙蓉

同前得梅字

湖天山遠近雪色望中開千里琉璃水孤城碧玉臺



鵲迷無影月，笛落不香梅。相值扁舟子，問君訪戴來。

春日訪幡文華臥病  
英也文園客，人稱病長卿。金莖難覓露，綠綺久無聲。

作賦凌雲氣，倦遊伏枕名。春風今育物，起色日應生。

功子會荒孟彥芳，仲全見過共賦。  
隣並重陰隔柴門，自入花微官因隱。教聖酒為詩餘，

談劇拙禽起更深，缺月斜誰知。城市裡有此州玄家。

湖中送齊伯起還鄉

江城歲云莫，遊子賦將歸。折柳風吹淚，臨歧雪撲衣。

從佗愁客路，好去訪親闈。我亦思鄉者，孤魂逐爾飛。

湖中歲晚

湖上移家後，新縱吏隱名。黃金窮季子，白壁滯虞卿。

春日偶作

病骨蕪梅瘦，詩貧與雪清。年華看又晚，太息感吾生。

賦得長此戴堯天

寓居湖水，上門過打魚船。花足微開雨，柳含初霽煙。

頻驚鏡中鬢，常掛杖頭錢。未遂平生志，歸耕一頃田。

仙真生一莖，復見物華新。林聽遷喬鳥，街逢擊壤人。

乾坤漸布化草木看回春最喜將衰鬢長為聖世民  
遙思江南春色賦之寄西伯龜

江南千里夢行盡浪華天地為魚鹽勝人將豪俠傳  
潮乾沙界市春暖海門煙憶彼梅花色似君白雪篇

平文韶自平安至喜有賦

天涯千里客來上我龍門宜下徐釋榻堪傾文舉樽  
青灯兼眼照白雪與歌翻預恨明朝事當消別離魂

呈男山古溪禪師

開士耽禪寂空門白日長珠從衣裡淨華向偈中香

呼雨龍王鉢吼風獅子林塵緣吾未脫早晚接毫光

寄孔世傑二首

初編脫此作今載焉

寧謂匪天幸賢愚猶有逢裁詩君俊逸除酒我疎慵

鳴鶴真鳴鶴臥龍豈臥龍二年離索恨南望暮雲重

雄也才無敵壯年氣亦豪名將鳴鶴大蹤與生駒高

杯酒憐鯨吸文章見鳳毛故人唯我在戀戀感綈袍

伊齊南士長矢伯淵携詩見訪交驩數日劇譚

奇論不遑和其詩臨別卒賦雙珠篇贈之以為

河梁之詞

聞說雙珠玉本生滄海隈於金聲價貴如月彩光開  
應是探龍領或疑列蚌胎慇懃宜多謝今日為投來

州廬集二編卷之二終

